

Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

XI priores dies complectens

Bolland, Johannes

Parisiis et Romæ, 1863

De S. Palæmone Anachoreta.

[urn:nbn:de:hbz:466:1-72708](#)

DE S. ALEXANDRO MARTYRE, EPISCOPI FIRMANO, IN PICENO.

XI JANUARII.

Martyrologium Romanum : in Id. Januarii, Firmi in Piceno S. Alexandri Episcopi et Martyris. Acta ejus videntur intercidisse, urbe Firmana a Frederico I, Imperatore incensa. Hec de eo scribit Ferrarius in catalogo Sanctorum Italix, et ex tabulis Ecclesiae Firmanæ : Alexander Firmanus patria, ex Sinigarda familia fuisse traditur: qui factus Firmanæ Ecclesiae Episcopus, ab hostibus fidei Catholicae, haud procul ab urbe, in via quæ ad

cenobium S. Savini ducit, ob ejusdem fidei defensionem interfectus, martyrio coronatus est. Cujus corpus in basilica Metropolitanana, in arca marmorea conditum quiescit: ubi epitaphium litteris Longobardicis scriptum hoc legitur : HIC JACET RECONDITUM BEATISSIMUM CORPUS GLORIOSI MARTYRIS ET EPISCOPI ALEXANDRI. Cujus memoria in Id. Januarii Firmi celebratur, prout in Romano Martyrologio annotatur.

DE S. PALÆMONE ANACHORETA.

SECULO IV.
XI JANUARII.
S. Palæmonis
natalis.

Natalem Palæmonis Abbatis consignat hoc die Martyrologium Romanum, hic verbis : In Thebaide S. Palæmonis Abbatis, magistri S. Pachomii. Quædam de eodem memoriam scriptor vitæ S. Pachomii, qui infra num. 8, quæ sicut testatur se didicisse a sanctis hominibus Dei, qui simul cum Pachomio multo tempore erant mortati. Eam vitam Latine vertit Dionysius Exiguus initio sexti seculi, accurate in vitis PP. edidit Rosweydi noster; nos post Rosweydi mortem cum aliis aliquot MSS. contulimus. Eam XIV Maii dabimus, hic illa solum excerpemus, quæ ad Palæmonem pertinent. Eadem vita a Lipomano et Surio edita est alio interprete; in ea passim pro Palæmone Palamon appellatur.

VITA

EX HISTORIA VITÆ S. PACHOMII.

CAPUT I.

S. Palæmon monachum consecrat
S. Pachomium.

Constantinus Imperator pietate ac fide, qua Christo credidit, a victoriis de hostibus consecutus, tirones jussit absolvit. Sic Pachomius optata sibi libertate concessa, protinus ad Thebaidis ulteriora regreditur: et ingressus ecclesiam, quæ est in vico, cui cognomen est b Chinoboscum, fit illico catechumenus, et post paullulum gratiam lavacri vitalis adipiscitur: et ipsa nocte, qua mysteriis sacris imbutus est, vidit in somnis veluti rorem cælitus allapsum suam repelles dexteram, c et in mellis crevise pinguedinem: audiuit quoque vocem dicentem sibi : Considera Pachomi quod geritur. Est enim hoc signum gratiae quæ tibi a Christo collata est. Hinc itaque divino inflammatus affectu, et ex dilectionis jaculo salubri vulnere sauciatus, totum se disciplinis atque institutionibus divinis subjugavit.

a Adit S. Palæmonem, petitque fieri monachus.

b Pachomius baptizatur, ad studium pietatis excitat.

c

2 Audivit autem quendam anachoretam, cui nomen erat Palæmon, intra eremi secreta Domino servientem: ad quem confessum cum eo cupiens habitate, perrexit, et pulsans ostium cellulæ ejus, precebat ingressum. Cui senex aliquantulum patefaciens aditum, dixit : Quid vis? aut quem queraris? Erat enim severo adspectu, propter quod multo tempore solitarius vitam rigidae conversationis exegeraf. Respondens autem Pachomius, ait : Deus me misit ad te, ut monachus fiam. Cui senior : Non potes hic, inquit, monachus fieri: non enim parva res agitur, si veri monachi conversatio casta pensetur; nam plures hue dudum venientes, affecti tædio, perseverantia non tenuere virtutem. Et Pachomius : Non sunt, inquit, æquales omnium mores: idcirco precor, ut

me digneris excipere: et processu temporis tam voluntatem meam, quam possibiliter plenus approbabis. Et senior ait : Jain tibi præfatus sum, quod hic fieri monachus nullo modo possis: perge magis ad aliud monasterium; et cum tantisper ibidem continentie operam dederis, tunc ad me regredere, teque sine mora suscipiam.

3 Veruntamen adverte quod dico. Ego hic, fili, satis frugaliter vivo. Nam nimis ardua et durissima conversatione me castigo, nullius rei cibo utens, nisi tantum panis et salis; ab oleo autem et vino in totum prorsus abstineo. Vigilo dimidium noctis: quod spatium vel in oratione solemnii, vel in meditatione divina lectionis insumo: interdum quoque totam noctem duco pervigilem. Haec autem audiens Pachomius, expavit; ut solent pueri magistrorum vereri præsentiam: sed gratia Domini roboratus, omnem hunc laborem tolerare proposuit, senique respondit: Credo in Domino Iesu Christo, qui mihi fortitudinem patientiamque praestabit, ut dignus efficiar tuis adjutus precibus, in sancta conversatione per omnia vite mea curricula permane.

4 Tunc S. Palæmon spiritualibus oculis intuens Pachomii fidem, tandem patetfecit aditum: eumque suscipiens, habitu monachi consecravit. Morabantur ergo simul, abstinentia atque precibus operam dantes. Texebant quoque cilicia, et laborabant manibus suis, iuxta beatum Apostolum, non tantum pro sua refectione vel requie, sed ut haberent unde tribuerent necessitatibus patientibus. In vigiliis etiam cum nocturnas orationes celebrarent, si quando senior vidisset somnium Pachomium premi, educens eum foras, arenam portare preciebat de loco ad alterum locum: et tali exercitio mentem ejus gravatam somni pondera sublevabat, instituens ac formans eum, ut sollicitus esset in precibus, dicens ei: Labora Pachomi, et vigila, ne quando (quod absit) ab hoc nunc incepto proposito te amoveat is qui tentat, et inanis fiat labor noster. Quæ cuncta Pachomius obdienter ac sollicite suscipiens, ac de die in diem sancte continentie profectibus crescens, venerabilem senem nimis alacrem letumque reddebat, ita ut Christo semper pro conversatione ejus gratias ageret.

a Debellati Maxentius anno Christi 312, sequenti Galerius Maximus, sepius Licinius, qui tandem Thessalonica, quod novas res moliretur, anno 323 peremptus est, et finem dedil armorum civitatum. Sed Maxentiano bello, non Liciniano, militasse Pachomium ostendit Rosweydi in Notat. ad ejus vitam.

b Urba est Thebaidis ζωοφύλαξ, in Panopolitenomo, apud Potomatum, quæ a pascendis anseribus habere nomen videtur; est enim χριστιανός anser, et πίστεως πάσχεια, locus ubi alutum anseres. Verum Stephanus, ex Alexandri Egyptiacis, negat ullam extare illius appellationem causam, cum nemo istibz pasci anseres videbit. Alioquin in vita Pachomii mentio fit Chinobosciorum monasteriorum.

Palæmonis
abstinentia,
vigilia, pre-
cessus.

Pachomian
monachi ha-
bitu conse-
crata.

Ephes. 4. 28.

Ejus somno-
lentiam pellit.

Chinoboscia.

c In

EX VITA
S. PACHOMII.
Lac et mel,

Vinum et lac,
post bapti-
smum.

c In primitiva Ecclesia baptizati mellis et lactic dulcedinem degustabant. Tertul. de corona militis, cap. 3. Inde suscepit lactic et mellis concordiam pregestamus. Et lib. 1, contra Marcionem, cap. 14, nec mellis et lactic societatem, quia suos infantat S. Hieronymus aduersus Luciferianos cap. 4, id per traditionem in Ecclesiis observari scribit ad infantum significacionem. Sic in Occidentis Ecclesiis lac et vinum præteri sole re baptismi idem testatur in cap. 33, Isaia ad significandum innocentium et sa- pientiam. Consule Rosmeydi Notas ad vitam Pachomii.

a

Lautioribus
cibis, etiam
in Paschate,
abstinet ob
Passionem
Christi.

Reprehendit
arrogantis
monachi fa-
ctum.

Prov. 26.
Eccl. 2.

Hic a dæmons
faide delusus,
in luxuriam
consentit.

CAPUT II.

Pascha celebratum. Monachi arrogantia et
incontinentia punita.

Per idem tempus sacratissimus dies Paschalis advenierat, et ait ad Pachomium senior: Quoniam cunctorum Christianorum universalis est ista festivitas, nobis quoque para, que usui nostro sunt congrua. Tunc ille promptus ad obtemperandum, id quod sibi præceptum est implevit: præter solitum namque parumper accipiens olei, cum salibus tritis admiscentur. a Lapsanas enim, id est agrestia olera, et herbas alias præter oleum consueverant edere. Cum ergo præparasset, ait ad senem: Feci quod tua paternitas imperavit. Cumque post orationes B. Palæmon accessisset ad mensam, vidissetque olei apparatus cum salibus, fricans manibus frontem, et ubertim fundens lacrymas ait: Dominus meus crucifixus est, et ego nunc oleum comedam? Cumque rogaret eum Pachomius, ut modicum quid ex eo sumeret, nullatenus acievit. Tunc pro more sale et pane allato ad manducandum pariter considerunt. Quae senex Crucis Christi signo, sicut consueverat, benedicens, cibum uterque sumperunt, Domino gratias (ut par fuerat) humiliiter exhibentes.

6 Una vero dierum, cum vigilantes simul Palæmon et Pachomius accederent ignem; quidam Frater superveniens, apud eos manere voluit. Qui cum suscepit esset, inter verba (ut fieri solet) erupit, et dixit: Si quis fidelis est ex vobis, stet super hos carbones ignis, et orationem Dominicam sensim lenteque pronuntiet. Quem B. Palæmon intelligens superbie tumore deceptum, communio, dicens: Desine Frater ab hac insania, nec tale quid ulterius loquaris. Qui correptione senis non solum non proficit in melius, sed plus elatione mentis inflatus, super ignem stare coepit audacter, nullo sibi penitus imperante: eratque conspicere, quomodo cooperante inimico humani generis, et Domino permittente, nequam pernustus fuerit ignis attactu. Hoc ipsum vero quod gessit impune, ad augmentum proficit eius insaniam, secundum quod scriptum est: Ad pravos pravas vias mittit Dominus. Hoc itaque cum fuisse factum, postera die idem Frater mature proficisciens, ac velut exprobans eis, aiebat: Ubi est fides vestra?

7 Post non multum vero temporis cernens diabolus, eum sibi per omnia manipulatum, et facile ad quæ vellet facinora eum posse impellere, transfiguravit se in mulierem pulchram, splendidis vestibus adornatam, et coepit ostium cellæ ejus vehementer extundere. Qui cum appurisset, ait ei diabolus in habitum mulieris immutatus: Obsecro te, quia nimis a creditoribus urgeor, et metuo ne me aliqua pericula comprehendant, recipias me in tuam cellulam, quoniam debitum solvere nequeo, quatenus per te salva facta, gratias referam; Deus enim me direxit ad te. Qui a cocitate mentis penitus obscurans, nec valens discernere quis esset, qui sibi talia loqueretur, diabolum miser in suum recepit exitium. Tunc hostis nostra substantia, videns eum ad omne scelus esse præcipitem, immisit ei turpem concepcionem. Qui mox cessit inimici suggestionibus: et ejus, quasi mulieres, petivit amplexum. Quem spiritus immunus invadens, elisit atrociter: et revolutus super pavimentum, veluti mortuus diu multumque permansit.

8 Post aliquantos autem dies tandem in se reversus,

et dementia propria sero poenitens, ad S. Palæmonem venit: et cum magno fletu quid sibi accidisset exposuit, vociferans et dicens: Agnosco, Pater, agnosco, quod ego causa perditionis meæ existam. Bene enim me commonere dignatus es, sed ego infelix, qui te audire contempsi. Quapropter obsecro, ut me sanctis orationibus tuis adjuvare digneris, ne sub ingenti periculo constitutum discerpatur inimicus et perimat. Cumque ista cum lamentis prosequeretur et fletibus, et S. Palæmon Beatusque Pachomius lacrymas pro eo funderent compatientis affectu; subito correptus ab immundo spiritu, de prospectu eorum prosiliit, et per deserta discurrens agebatur infrenis. Peruenit autem ad civitatem b Panos nomine, ac deinceps in fornace ad cibarie per amentiam sese precipitans, incendio protinus interiit.

a Proverbium Lapsana vivere, de tenui et paupere victu Dio-
scoredes lib. 2, cap. 142, λαψάνη vocat; Cassianus lib. 4, inst. Lapsana.
b Panopolis Ptolomeo urbs Thebaido.

Implorat pre-
ces S. Palæ-
monis.

Misere perit.

CAPUT III.
Pachomii virtutes et revelationes Palæmoni
indicate. Hujus obitus.

Hæc audiens vidensque Pachomius, magis ac ma-
gus incubuit abstinentiae tenere mensuram: et cum con-
fessionis studiis in omnibus, tum maxime in orationibus animum ser-
vare pervigilem, iuxta illud quod scriptum est: Omni
custodia serva cor tuum: intantum, ut eum senex
miraretur attonitus, quia non solum consuetam absti-
nentiam regulam alacer extrinsecus exequebatur,
sed etiam intrinsecus conscientiam suam iuxta cale-
stium formam studebat exhibere purissimam, sicut
beatus Apostolus dicit: Gloria nostra hæc est testi-
monium conscientiæ nostræ: certus, ex hoc magnam
in cælestibus parare mercedem. Nam et cum di-
vinas Scripturas legeret, memoriaque mandaret, non
id passim negligenterque faciebat, sed unumquodque
præceptum solerter examinans, ac pia mente per-
tinctans, studebat indies opere perficere, quæ memoria
retentabat. Præcipue vero humilitatis ac patientia
munere, et erga Deum proximumque purissima di-
lectione præ multis nitebatur excellere. Hæc autem
aliaque ejus plurima didicimus a sanctis hominibus
Dei, qui simul cum eo multo tempore sunt morati:
quibus etiam vita spiritualis exempla contulerat, post
lectionem divinae legis, ea quæ ad ædificationem ani-
marum pertinent, diligenter expponens. Quæ quia
multa sunt, et vires nostræ parvatis excedunt, non
omnia præsenti stylo perscripsimus. Non enim sumus
idonei, tanti viri merita eloquio pari depromere.

10 Igitur erga locum montis, ubi Sancti morabantur, plena spinis eremus adiacebat: ad quam saepe

Pachomius veniens ligna legere, super spinas nudis pedibus incedebat, et cum infigerentur ei plurimæ, lætabatur, patienter ac fortiter ferens, recolens quod Dominus noster in cruce clavis fuerit dignanter affixus. Diligebat autem anachoresim plurimum, fre-
quenter expetens solitudinem; et illuc diu in oratione
persistens Domino supplicabat, ut tam se quam omnes
homines ab universis inimici fraudibus clementer
eriperet.

11 Quodam vero tempore contigit, ut Pachomius
procœl a cella sua progressus, veniret ad quendam
vicum, cui nomen est a Tabennense, in quo tune nul-
lus penitus habitatator existebat. Ubi cum pro more
diutius in orationibus perduraret, vox ad eum cælitus
delata est, dicens: Mane hic o Pachomi, et monasterium
construe. Venturi sunt namque ad te quamplurimi,
tua cupientes institutione proficere; quibus du-
catum præstabis, juxta regulam quam monstravero
tibi. Et protinus apparuit Angelus Domini, deferens
ei tabulam, in qua erat omnis forma institutionis ad-
scripta, qua docendi forent, quicunque ad ejus ma-

Patientia.

Divinitus ju-
betur mona-
sterium con-
struere.

Regulam ab
Angelo acci-
gisterii

gisterii studia pervenissent. Quam regulam Tabenenses hodie custodiunt, eodem cibo semper utentes et habitu, ipsam quoque disciplinam sollicita circumspectione servant. Nam monachi qui ibidem commandant, non solum more, sed et robore corporis, et locorum situ præceteris longe diversi sunt: et ne cesset est, eos diversam quoque regulam custodire.

12 Hanc ergo vocem Pachomius mentis sinceritate discernens, quam illi divina gratia et merita vita contulerant, agnovit ad se cœlitus delatam, Regulasque valde mirabilis approbat. Tunc reversus ad venerabilem senem Palæmonem, retulit quemadmodum voce sit divina commonitus, obsecrans, ut secum pariter veniret ad locum, quo possent Domini mandata explere. Qui nolens eum in aliquo contristare, utpote carissimum filium, precibus ejus illico paruit, atque ad præfamat villam cum eo peruenit, modicamque ibi cellulam construente, letabantur in Domino, promissionum ejus beneficia præstolantes. Post aliquantum vero temporis ait Palæmon ad Pachomium: Quoniam cerno gratiam a Deo tibi collatum, et deinceps istic permanere disponis; veni statuamus inter nos pactum, ut non dividamur ab invicem, sed quamdiu in hac luce versamur, visitatione nos consolemur assidua. Utique placuit haec pactio, quam omni tempore vita sua tam beatus senex quam Beatus Pachomius sollicitus sumt executi.

13 Inter haec venerabilis idem Palæmon dolore splenis, qui ex nimia continentia illi provenierat, toto corpore gravi copit aegritudinis incommodo laborare. Nam sumebat escam, potu sepius abstiens: item solumento biebat, nihil cibi percipiens. Rogatus igitur ab aliquibus Fratribus, qui ad eum gratia visitationis advenerant, ne penitus patrum debile frangeret, sed ei aliquantulum solati pateretur impendi, tandem cessit orantibus, ut victu congruo attenuata membra refoveret. Sed non hoc diutius pertulit. Nam

graviores solito dolores splenis expertus, relicta ciborum insolentia, ad antiquum victim sine dilatatione revertitur, dicens: Si Martyres Christi alii per frustra lacerati, alii capite cæsi, nonnulli etiam ignibus sunt cremati, et tamen usque ad finem fortiter profide toleraverunt; cur ego patientiae premia, parvis cedens doloribus, impatienter abjiciam, et desiderio vita præsentis, afflictiones momentaneas inaniter expavescam? Denique suadentibus acquieci cibos insolitos sumere, qui mihi dolores auxerunt potius, quam ullam requiem præstiterunt. Recurram igitur ad prisca remedia, et continentia subsidia non relinquam, in quibus est (ut ego certus sum) omnis post Deum requies et vera laetitia. Non enim propter homines haec arma suscepit, sed ob amorem Christi his certare disposuit.

14 Sic itaque viriliter agens, intra mensem dierum valido langore consumptus est. Ad quem Pachomius veniens, fovebat eum ut patrem, deosculans pedes ejus, atque complectens; et veluti valefaciens, sic eum videbatur affari. Venerabilis autem senex, omni virtutum gratia cumulatus, et plenus dierum, scriptum est, quievit in pace. Tunc sanctus Pachomius corpus ejus sepelivit: cuius anima suscepta choris Angelicis, ad celos evecta est. Quo peracto, Pachomius ad proprium diversorum revertitur.

a Cassianus lib. 4, Institutionum cap. 4. Quadam scilicet de Ægyptiorum, quedam Tabennensiotorum regulis admissentes, quorum est in Thebaide conobium, quanto numero copiosus canefis, tanto conversationis rigore distictius. Siquidem in eo plusquam quinque milia Fratrum sub uno Abbatie reguntur, et cap. 30 Monasterium Tabennensiotorum, expeditum, quod sciebat canefis monasteris esse districius. Erat id ad ultimas partes Thebaidis, ut ibidem dicitur. Sub Syene, ut in epistola ad Laium scribit Palladius. Fuit ut lib. 3 de vitiis PP. ad Ruffinus, monasteriorum multorum in regione Tabennensiotorum Prepositus Pachomius. Erat isthic et monasterium feminarum, ut constat ex lib. 5, de vitiis PP. libel. 18, num. 19.

Ex vita
S. PACHOMII.

Moritur.

Sepelitur a
Pachomio.

Cum Palæ-
mone Taben-
nam pergit.

In vicem
postea invi-
sunt.

Palæmon
agrotat.

Pristinam ab-
stinentiam in
morbo reti-
nct.

XI JANUARII. **M**artyrolog. ms. S. Hieronymi: Et depositio Hortensii Episcopi. Idem celebratur in ms. Martyrol. Hilberico conventus Dungallensis. Nihil alibi de eo legimus.

DE S. HORTENSIO EPISCOPO.

CIRCITER
AN. CHR.
CIPXII.
XI JANUARII.
Duo hoc die
Theodosii Ab-
bates.

DE S. THEODOSIO ANTIOCHENO, ABBATE MONASTERII IN SCOPULO.

Duo hoc die celebrantur a Græcis Theodosii, ambo vitam initio anachoreticam auspicati, ambo deinde celebri fundatores cenobii; juniori no men adhæsit Cœnobiarachæ; seniori vero Antiocheni; inde namque ortus erat, e Cappadocia alter. Antiocheni hic duplēcē vitam damus, unam e Menœzis, alteram ex cap. 10 Philothei, seu libri 9, de vitiis Patrum, in quo libro frequens hujus S. Theodosii ejusque monasterii mensio fit, et variae anachoretarum, qui deinde in ejus monasterio vixerunt, virtutes et miracula describuntur, ut cap. 82, 83, 84, 86, 90, 91, 93 et 190, in quibus passim nominantur montes monasterii Abbatis S. Theodosii in Syria, et quidem eorum unus dicitur Phœterius, supra Rosum, prope Priapen fluvium, et juxta monasterium Abbatis Theodosii in Scopulo. Multa tamen eodem libro narrantur de monasterio S. Theodosii Cœnobiarachæ, quæ perperam in titulis capitum tribuantur monasterio S. Theodosii Antiocheni, sive in Scopulo.

VITA

Ex Menœis Græcorum.

Hic sanctus Pater noster diversus est asceta, seu anachoreta, a a priore Theodosio, civis Antiochenus, claris parentibus natus. Hic cum olim Dominicam votum attentus audiret, relicta domo, opibus, cognatis, aliisque omnibus, silvas mari proximas ingressus, cœlam angustissimam excitavit; vitamque solitariam amplexus, vestes cilicinas induit, gravesque ferro cænas interius, unam a cervice pendente, alteram lumbos stringentem, singulæque alias in singulis manibus gestavit; precibusque et manuariis laboribus intentus, prava corporis desideria, fastumque, et alias improbas cupiditates domuit et fregit. Squalenti erat coma et ad pedes usque promissa. Conciebat subinde sportulas; subinde b hortulos in rupe excœlebat, oleraque conserebat, ex quibus sibi et peregrinis adventantibus victim parabat.

2 Temporis autem progressu cum fama viri gloriaque longe lateque spargeretur, hominumque concursus ad illum frequentes fierent, qui illius vitam et institutum sequi cupiebant, receptis illis solitudinem quasi in cœlestem urbem convertit.

a
S. Theodosii
vita eremitica
per quam au-
stera,
externa exer-
citatio.

b
Discipuli,

3 Cum